



UNIVERSITÄTS-
BIBLIOTHEK
PADERBORN

Scholia In Primarias Preces Imperatoris

Chokier, Jean de

Coloniae Agrippinae, 1674

VI. Cæsar an alium nominare poßit, si Preces primo concessæ, effectum
non sint fortitæ

[urn:nbn:de:hbz:466:1-62387](https://nbn-resolving.org/urn:nbn:de:hbz:466:1-62387)

tate, præferetur qui à Cæsare est nominatus c. si à sede de preb. in 6. Nam & in collatione Episcopi ac Vicarij eodem tempore facta, præfertur Episcopi, tanquam dignioris, Calderinus conf. 2. de officio Vicarij, d. cap. si à sede. Et licet Papa conferendo beneficium, videtur alteri potestatem conferendi abstulisse, cap. ut nostrum, ut Eccl. benef. sine diminut. conferantur, ita & Imperator. Papa enim & Imperator fraternizant, ut ostendit Erasmus à Chokier frater meus in suo tract. de Iurisdict. ordinarij in exemptos part. 4. quest. 13. Quarta conclusio Quiprius executori præsentat diploma Precum Cæsarearum, præfertur alteri cui de eadem data facta est collatio, Rota decis. 100. Item si unus, in No. Feli. in d. cap. Capitulum Sanctæ crucis, de rescript. Arnulphus Ruz. aus tract. Regaliorum privilegio 46. in 10. in fin. quod latius ostendo ad Reg. XV. Cancell. Concurrentibus in data ann. 2. & seqq. Sed quid si Precista post acceptatum & collatum sibi ab executeore beneficium perdidit diploma suarum Precum, an possit beneficium cum sola collatione retinere; quo affirmativas respondit Feli. in cap. in nostra vers. Spoliatus in si. & ibi Ant. de But. de rescript. nam collatio conservatur sine litteris Nominationum, per c. Cum olim. 1. de privileg. glo. in c. Sane de Renunciat. Quinta Conclusio: Præferri debet is alteri, in cuius diplomate inserta est clausula motus proprij, arg. cap. si pluribus, de prebend. in 6. Ruz. aus ubi supra nu. 12. vel clausula, ETIAMSI ALTERI CONTULERIMVS: ea enim denotat gratiam alterius esse posteriorem: quia cum in diversis scripturis concurrat gratia & habitus, privatio semper præsumitur posterior, Bald. cap. 2. de off. deleg. & proinde ratione juris primò quæsit, ab eo jus tolli non potest L. id quod nostrum, ff. de Regulis Iuris. Sexta conclusio: Si Cæsar unico verbo primarias nominationes duobus conferat, neutra collatio valet; nam ad validitatem cuiuslibet actus duo requiruntur, voluntas, & potestas, cap. cum super Abbacia, de off. deleg. ubi Bald. & Decius faciunt textus in cap. adhuc, si. 1. ibi, potest, si voluerit, de appellat. in l. 1. In Cæsare autem duobus eodem actu conferente deficit potestas, per Juris theoriam, ubi non assistit juris potentia, inanis est voluntas, Bald. in l. nolle, ff. de acquirenda hereditate, ergo si deficit potestas, sequitur nullitas, cum illa duo copulativè requirantur. Ideo necessariò debent ad esse illa duo, Philip. Præb. tract. at. juris Regalie quest. 28.

QVINTO quæritur si Preces concessæ alicui non fuerint fortitè effectum, ut puta ob mortem Precistæ, an Cæsar possit alium nominare? videtur quod sic: quia Indultum illi datum est contemplatione suæ personæ, aut dignitatis CÆSAREÆ, idcò per primam collationem potestas conferendi non est extincta, glos. in pragm. sanct. tit. de part. possess. verbo beneficium. Secundo, quando actus non habet effectum secundum intentionem disponentis, non restringitur ad unum actum, sed de ulteriori actu semper intelligitur, donec res fortitatur effectum, Bald. in l. invitus in si. C. de procurat. Anstasi. Germa-

Cæsar an
secundum
nominare
possit, si
Preces
quoad pri-
mum non
sint forti-
ta effe-
ctum.

PRIVILEGIA
REGULARIUM
ET
COMMENTARIA
IN REGULA
CANCELLARII
APOSTOLICE
L. 1.
C. III
8

Germonius tract. de Indult. Cardin. §. volumus autem, nu. 49. ubi ex Gemina in cap. si compromissarius, §. & idem de Electio. scribit, quod commissio alicui facta de providendo intelligi debeat cum effectu. Confirmatur per notata Jo. Mon. in cap. sicut nu. 9. de verb. signif. in 6. quem ibi sequuntur Io. And. & Domin. ubi si Episcopus habeat privilegium cum temporis præfinitione, ut possit eligere quatuor clericos suis obsequijs insistentes, qui percipiunt fructus suorum beneficiorum in absentia, illosque eligat, demum alter eorum cedit, vel decedit, certè loco illius alium potest surrogare, c. sicut, §. in annos 2. resp. ff. quib. mod. usufructus amittatur, Staphil. tract. de prerog. expectat. Probatur insuper à simili; nam patronus laicus potest plures præsentare, donec actus fuerit plenè consummatus, Abb. in cap. quanto Col. C. de iudic. glos. in Clem. 1. verb. simul vel successive eodem tit. Neque præmissis adversatur, quod omnis dispositio intelligenda sit de prima vice, l. boves, §. hoc sermone. ff. de verb. signif. quia Cæsar non intendit nisi semel conferre, dummodo plenè & effectualiter contulerit, & hoc est potius accumulatio ad primum jus, quam variatio. Quæ conclusio etiam obtinet in iure Regaliæ, quo Rex Galliarum toties conferet, quoties vacaverit, donec & quovisque jus ipsum Regaliæ plenè sit ad effectum deductum, Arnulphus Razaus tract. iuris Regaliorum privileg. 2. num. 5. & seqq.

SEXTO quæritur, an si beneficium, ad quod Precista nominatus est, eisdemque exinde collatum, fiat litigiosum, & pendente lite Precista moriatur, aut juri suo cedat, Cæsar possit alteri Preces conferre, seu alium surrogare? Ita videtur: argumento ducto à Regalisticis ad Precistas, Philip. Probus tract. Regal. q. 30. qui utitur hac si ratione: de jure enim communi videmus, quod si electus lite pendente moriatur, aut cedat, vel electioni non consentiat, electio ad eligentes revertitur, cap. 1. de restit. in integrum, & cap. si electio de electio. lib. 6. & licet hæc jura loquantur in electionibus, idem tamen dicendum in collationibus, cap. 1. ut lite pendente in 6. quia si pendente lite alter colligantium moritur, collatio ad eum, qui prius jure proprio non devoluto contulerat, revertetur: Nec refert quod ista jura loquantur in Collatoribus Ecclesiasticis, quia idem observari debet in Cæsare, qui jus suum metitur à Papa, Reg. qui in alterius ff. de Reg. juris, à cujus Indulto fit, ut beneficium sit illi affectum, quoad usque collatio per ipsum facta fuerit suum plenum & pacificum sortita effectum, ut prædiximus. Nam alias Precista nunquam esset pacificus, quia ordinarij Collatores (qui cane peius & angue odio habent Precistas) molestias semper exhiberent Precistis non facturi si videant, quod si lite pendente moriantur, collatio precum Primariarum ad Cæsarem revertetur. Quæ etiam ratio militat in Regalisticis, ut si is lite pendente cedat vel decedat, Rex possit beneficium litigiosum conferre, nec dicetur his contulisse, quia hæc collatio est quædam surrogatio, quæ censetur eadem cum prima. Sed hoc Galli notent, quos remitto ad Philip. Probum tract. juris Regal. q. 30.

Beneficia
affecta li-
tigiosa &
postea per
obitum
Precista
vacante
an Cæsar
alteri præ-
ces con-
ferre possit.